

228611



卷〇七五〇

黃字

卷〇七五二

黃字

卷〇七七七

庚字



永樂大典

八四

721
005
J.84

永樂大典卷之七千六百五十

十八陽

黃

黃任道

宋楊傑無爲集行狀 府君諱某字任道其先江夏人遭
唐末之亂其族分適江南西蜀淮建安浦城爲著姓雖爵

位無顯而其文章行義多見稱于時曾祖元吉初以風雅名重江南仕非
其志儒學傳家二子入本朝皆登進士第次子覺任殿中丞以清直聞當
時儒宗如宋宣獻楊劉二內相多與唱酬指紳傳之君之祖也考潛山先
生兩舉進士不利于春官朝廷當推恩奏名而隱居求志不願就其歌詠
翰墨有晉唐風格累贈朝奉郎世積公德爲生府君府君爲兒童時才識
已過人及其長力學有文行爲韓魏公王荆公歐陽公深所器重皇祐五
年進士及第調揚州天長主簿移恩州清河令秩滿改著作佐郎知曹州
濟陰縣神宗皇帝登極覃恩遷秘書丞以廣濟河決免一官魏公留守魏
郡薦君學行乞教授北京國子命將下丁潛山先生憂繼丁母裴氏壽安
縣大君憂喪盡禮兄弟友愛閭門肅雍士君子推以爲法制終再授秘

書丞監都進奏院召對除河北東路提舉常平倉就改本路轉運判官旋
易西路就移陝府西路提點秦鳳等路刑獄被召赴闕未行坐舉官失當再
奪秘書丞會吏官制授奉議郎入尚書省任職方員外郎車駕幸省遷奉
議郎改五品服久之以廉精不足乞補外乃知汝州今天子即位恩遷朝
奉郎苦足疾求致仕元豐八年十二月四日卒于官食享年六十有五先
是一夕夢白雞棲于牀下語家人曰昔謝安夢白鶴而死我以年酉歲生
豈吉祥耶果不起其疾娶某氏追封永安縣君再娶章氏封武寧縣君三
子曰材太廟齋郎曰樞曰杞皆郊社齋郎二女長適奉議郎王績次在室
恩州之清河清陽欠黃河埽岸芟草十四萬兩縣於隊長十九戶下催理
都水溝臺大移不絕十九戶貧乏六年不能供前後長少鞭打不勝數蓋
當時隊長以丁數過非以物產定故兩郡縣苦之人莫敢議君乃言於朝
曰嘉祐之初河入恩州故埽岸芟草出於民者萬數今則聚而無用條其
可免之十利朝廷可其奏悉蠲之魏公方執政尤稱其事初朝廷置寬恤
民力司諸道遣使求民瘼有曰河朔館驛宜罷須索以寬其役君以謂河
北中路傳驛歲有遽使往來邊防休戚之所繫百須皆出於民當令百姓
明其所出物數折除春夫丁役及於二稅合納之物量數放免氏自樂輸

矣朝廷從其議至今民以爲利君在濟陰當廣濟河決危急邑人將就整
溺老幼號訴君來興議乃決南堤以分水勢不意浸鄰田論法至重君自
以長不忍貽過於下一皆引伏當時魏公吳正憲公御史中丞文章論列
以爲誠心愛民非有害彼之意譬如逢盜出境盜爲他境之害非逢盜者
之罪也曹州冤司知縣張復禮亦乞納官以贖其罪竟得未減而濟陰之
民世世不忘其德至神宗朝召對上曰卿即某耶某曰昔日濟陰之事意恤民
慰勞之甚厚君稱謝因請上留意吏書上悅聽納時貴人有不喜君者君
爲提舉官時郡縣多不曉朝廷愛民之意過爲苛刻君務爲便民司農官
以爲沮法賴正憲辨明得免斥逐君議賑濟之術均以一路當散糧斛之
數隨郡縣豐凶戶口多寡增損以給民全活者衆矣河北方水災米粟踴
貴市易難官又增價以歛之民益艱食人不取言君曰視民困苦而不救
非我志也遂奏罷之鳳州有獄久不決而苦愆亢君親往決之是夕雨澤
霑足人以謂雨自公致也君孝於事親友愛諸弟自少文學聲名謁于士
林識度高遠議論嚴正耻爲阿諛取悅於人其文章翰墨爲世推重文集
四十卷可見其志也其爲守令奉使惟務愛民以報朝廷大臣屢薦以臺
閣侍從而其命數奇士論惜之平生惺惺與朋友交久而益固未嘗遽言

人短而多矯楊人之所長勇於信義廉於進取毅然有古人之風某又游門下知行義爲最詳紀述善美不敢以誣謹狀

黃仲熊

宋黃庭堅豫章集墓銘 非熊豫章黃氏仲熊其名非熊其字也先大夫之幼子以至和歲乙未月乙酉日丙申時

卒未生於臨菑先大夫以歲月日時參伍以曆象爲吉祥以爲門戶所寄兒時黥黑臍肥甚可念先大夫捐館舍於康州非熊方四歲爲其幼孤太夫人不忍以嚴治之故非熊知學最晚然性質豪舉落筆成文不肯爲人下於儒生藝事無所不學雖不造微要皆畧能也家貧嫁四女弟以故兄弟例婚晚伯氏元明貴大父時田爲非熊娶舒城趙氏婚禮成而非熊不悅意棄去由是頗浮沉於酒中亦自恃其命曰我生日在申辰在卯歲庚午天地合我終富貴得意婚大家於是自強屏酒不游刻若琢磨欲以怪奇鉤致標仕父之宗室汝州防禦使仲夏聞其家世欲以女予之而非熊不幸病死矣得年三十有六有銜不祛此日者誤之也嗚呼非熊欲仕而不偶難婚而無後孤先大夫之心予兄弟執其咎無所歸怨雖甚不奇

黃得禮

宋黃次公三餘集先大夫述 先考諱得禮字執中洪州豐城黃氏九歲喪母十四游太學二十五中元祐三年進

士第嘗爲鼎州桃源縣尉虔州興國縣令柳州軍事推官以沒其在桃源捕獲強盜大情已正格當被賞歟曰豈可便文自利而以疑似殺人哉盡釋之虔民健訟諸邑狂獸充斥其在興國三年瘦死者纔一人猶以爲恨建中靖國初應詔上書論行法任人之要其略曰嘉祐熙寧之法仁祖神宗之爲也祖宗所以望其子孫者在安治之如何不在政事之因革而主熙寧之說者曰必爲之更變主嘉祐之說者曰必爲之守常分曹爲朋迭立勝負宿怨快於私門實禍歸於公家朝廷顧何所賴惟天子建中和之極正心誠意擇其善者而增損用之則行法之要也人才實難有未必用自賢良進士祇名厲節以自致於大臣公卿之選益又難矣國論異同口語疑似無四凶之罪而加之以流竄之刑瘴霧蠻煙不死不已遺孤旅櫬雖死不還士有持平守正如彭汝礪葉濤之徒其言未必見省此風不革異日必有以伏刑都市參夷伍宗之請聞于上者矣願朝廷退人以禮宰輔爲國受言變指紳與薄之風增社稷靈長之福則任人之要也書入報聞先考年不及強仕位不及京官平昔詩文遭亂散落言論風旨可舉見者懼復湮沒故追次其略而不敢輒加焉

黃瓌

宋曹彥約昌谷集黃公墓誌銘

通判公墓有誌銘太府寺丞

未竟而通判公之葬卜日已定其勢不能走數千里介以請乃俾某述其
大畧先納諸壙按南康軍都昌縣土瘠黃氏分派于江州湖口縣之沙縣
自沙而下至通判公纔六世其族蕃衍星居兩郡者不下十族多者輒數
十家而土瘠之族號爲最盛則公高祖居士拱實啓之也居士居鄉有盛
德貲財百萬漫不以加意賑窮恤乏無所不盡其力後又做釋氏之說作
龍花會以召天下信士聞風而來無不滿意傾圉倒廩不計也人皆以居
士稱之至于今未改生子實能世其業號小居士爲土塘族祖小居士生
子可累薦試春官不第教子詩禮不使爲科舉碌碌計後暗朝散大夫大夫生
汀州使君武汀州生通判公公諱瓌字少蘇又字繼蘇汀州之長子也母
封氏封太恭人初汀州有四方志以奇節自許當建炎中興初授撫諭兩
河事宜召問中書即布衣授招討司幹辦贊大名軍與平劇賊田知古招
泌州叛人王江等有奇功薦于朝未報去之會李成寇江州得自外舊入
圍城又告急行在所見謂過計及遣兵往救不及事朝廷肝食乃上書論
軍國利害對執政慷慨憤發爲時論所服高宗奇其才授承務郎知黃州

黃岡縣歷發州義烏縣丞擢知郴州又知汀州與秦丞相不合奉祠十餘年不為屈通判公初受道澤中乾道七年銓選調德安府孝感縣主簿秩滿調光化軍司理秦軍以薦者改宣教郎知江州德安縣通判江陵府丁太恭人憂服闋授潮州通判未赴以疾自請得主管台州崇道觀嘉泰二年十二月己未卒于家享年六十有七官至朝奉郎公賦性簡淡不事表襮事父母為令子處諸弟為賢昆與人交和易平直人不知其有立遇事耿耿勢位不能奪當官治民一意不擾鷹鷂行不以為便思有以撓之不可得也孝感本無職業惟奉諸臺差轍未嘗少暇以剗制錢糧委之輒不稱意至剗決獄訟子奪產業則皆服其寬平莫能加損在光化四年未嘗以陞改介意肯游子弟時陰撓政守以下皆避其鋒公執法正授書不為少屈大家豪奪民田莫辨其偽公視印文不合上其姦狀闕郡嗟異舊城在漢水北與虜界錯居得闌入愚民即欲置地公言此皆中原赤子非姦細不可執獄遲久不上遂得未成累政皆信其賢爭推薦之今資政殿大學士趙公彥遠總餉湖廣知其舉將溢格猶以公名列上且曰吾寧壞一舉削不可失一賢者故工部侍郎趙公度為轉運副使以收拾孤寒自許時連歲不罹賊司部內有常負皆不得磨勘類公初入境意已屬公公受代

即辭去無顧望邑顏公亟薦之德安新減民租會一歲之供數且萬緡公下車適遭其逢用度不給州家循習泛敷迫使取諸民不肯奉命曹掾官有所誅求又不供億姑含怒媒孽欲連坐佐貳公言此知縣罪不當旁及廣座肆言無所畏避邑民亦譎言不可勢未敢發遣郡吏物色帑藏無一毫私意俸祿外餐錢未嘗以例取其計遂屈顏公檄入郡郭不可中輟俾攝事餘幕以便郡政佐貳理邑事賦州家風旨駁朴深入骨髓宜治辦井井反不如前時邑民走諸臺願終得黃佛子乃已州家始不自安乃還舊物大資政趙公師蜀召還過郡得其事津津有喜色又貽書縱吏之且言聖恩以事上官盡力以恤百姓舉賢如此可以無負在邑幾五年終始如一旁觀若不满意後有改其除縣立致禍貶公論亦且不與好學未嘗廢簡冊適意即自賦詩不可強也平居安坐靜室不以世俗事介意戶庭之外至旬月不一出所居州縣守令有滿去不得一見遇賓客契合飲酒奕棋陶然自得真樂於接物者官滿俸輒盡無求田問舍意往來都昌湖口間或寓南康城下惟意所欲娶曹氏實彥約之姑子男三人謂濤洎皆能有志謂嘗以鄉老獻書登于天府女三人長適同官子蔣樸文雅有賢譽次適彥約其次則彥約弟彥繼孫男六人抱孫補廩孀女八人皆未有所適

諸孤將以四年十一月辛酉葬于湖口縣五石山之北青山麓之下前事
十三日而來告期得謂所書族譜與將擇所親見德安事實乃參以平日
所聞擇其梗槩以告不刊至若為銘為表刻諸堅紙立于墓道以判其嗣
人則寺丞事也乃為之銘曰 百世之下知通判黃公之葬在此起敬起
愛有不可已如其
表墓以俟君子

黃中美

宋朱晦庵大全集朝議大夫致仕贈光祿大夫黃公神道
碑 宣和之末國家承平百有餘年中外無事乃有二

弄臣竊國大柄建取燕雲以召非常之變有識之士已私憂之而衆莫之
覺也捷書日聞官吏相慶獨信德府司錄事邵武黃公有憂色人問其故
公蹙然曰太平日久軍旅遽興靡無庶歲之儲不取於民將何以濟顧今
歲荐饑民死無數況河北天下根本又可重困之邪聞者莫不哭之俄而
河北盜賊果蜂起信德城守屢危全虜衆之遂不能支官吏相與鬪旬拜
降唯恐居後而公獨奮然誓死不屈虜既入城放兵四出有挺刃脅公以
降者公顧左右踣之而逃變姓名匿里巷中虜退乃出則先降者皆已抵
罪而宣撫使獨奇公即俾行府事公亦撫摩瘡痍期復按堵未幾以內禪

轉朝議大夫則以資高不當復屈佐郡而省罷以歸矣。靖康元年遷次京師。遭國城之變。而明宗出幸虜營。虜遂以兵威脅城中。擁張邦昌而立之。一時公卿縣千百數相顧俛首。唯唯聽命。公獨感憤義不辱身。即日移檄致其事而去。蓋當是時不約而去此者亦四十人。然不數日而公竟以病卒矣。二年二月丙子也。嗚呼。祖宗百年禮義廉恥之化。其所以涵養斯人者。可謂至深遠矣。夫以熙寧以來。群小相師。滅理窮欲。以達于茲。適已六十年矣。士大夫酣秦之餘。心志潰爛。不可收拾。宜其禍變危迫而皆不知以爲憂。耿弼迎降而皆不知以爲恥。葉君叔父奉賊稱臣。而皆不知以爲辱也。而猶復有如公等者出於其間。是雖人之秉彝不容泯滅。然而祖宗所以涵養斯人至深且遠者。亦豈不於此而少見遺餘哉。公卒時年始六十有三。夫人林氏。携挈諸孤。奉公之柩。崎嶇兵火亂離之中。川陸五峯。乃能達於故里。紹興乙丑之歲。然後始克葬焉。而公之子永存。沒以材能。有聞於世上。聞其名召以爲尚書郎。軍器監。出爲淮南轉運副使。俾修農戰之業。以爲北向之漸。前後贈公至光祿大夫。而夫人自公時已封宜人。又以子貴。屢逢慶恩。得賜冠帔。累封至始興郡太夫人。淳熙乙未八月五日。年九十七而薨。又以郊恩。贈斷春郡夫人。而副使歸自淮南。則使人以

同郡徐君復之狀來謂新安朱熹曰吾先君之德如是而葬久未銘且先夫人率履持家克享上壽世鮮及之亦當得附先君遺事以垂後世子其圖之熹受書考之其得先祿大夫斯泰夫人行事本末歎息久之因論其大者如此并記其州里世次聞公之先自潮入閩居建之浦城徙紹武始別於建遂為郡人馬曾大父夢臣大父高皆有隱行至公父蒙始舉進士後贈中奉大夫中奉娶施氏生公七年而卒後贈令人中奉沒時公年甫冠勵志為學而貧不能得書常假於人以讀率一再過而歸之則已成誦而不忘矣中元祐九年進士第調真定府左司理參軍知邢州平鄉縣皆善其職以守止不阿上官罷是久之貧甚不以為意親友強起之乃更調鎮西軍節度推官郡都極急守城武將視法令僚屬蔑如也公不為撓事有不可必旋辯之守堦屈焉改宣德郎知濟州衛縣令縣民有被誣殺人者公察其冤舉之同列有害公者謂公故出死罪守疑之公不恤也後河決敗數郡詔諸令長各護丁夫疏鑿隄障縣獨不擾而集以功轉奉議郎除河北都轉運司屬官北京留守辟以為真定府錄事是時河北連歲不登民多相聚為盜而郡守歛蕪教逸如平時公獨憂之每當集縣辭不與守問其故公對以實守默然不說於是乃移信德而遂去以卒為其為

人坦易。不事遷幅。而與人交。必以誠。當官不爲赫赫之名。而於事細微無不謹。旁郡有疑獄。剖判吏多奉以屬公。往往得其情。無施乎。不問識否。人雖有之。不悔。有求。輒復周之。在鎮時。府丞陳紹夫死。公以俸錢遣其喪。女兄寡居。迎養三十年。始終如一。故人通貴者。招致之。謝不往。都轉運使呂公願。及他使者。多知其材。欲薦之。未果。而竟沒。論者惜之。公初娶宛句劉氏。贈和義郡夫人。靳春其繼室也。延平人。贈少師積之女。夫人渾厚靜專。歸黃公甚貧。處之自若。晚雖豐泰。亦未嘗改其度也。事公之女兄如姑。公之沒。而歸其喪。教其子。務以忠言直節立其志。使卒爲聞人。以大其家。歲幾滿百。而神明不耗。起居不衰。又似有道者。家人百口。撫之以慈愛。而教告勉飾隨之。未嘗見其有嚴厲之色。而中外整整。莫敢越軌度。鄉黨傳以爲法。公葬邵武縣仁澤鄉寶隆山之源。夫人葬永城鄉黃溪保銅青上下相距蓋十里。子男五人。曰端愿。端平。皆有俊才。牛角已與薦送。而皆早卒。次端方。亦卒。次永存。今爲朝請大夫。主管武夷山。冲佑觀。次永平。右儒林郎。知靜江府理定縣。亦先卒。女五人。其婿宣德郎朱康年。保義郎朱慎。修職郎趙舜臣。通直郎杜鐸。進士李先之也。孫男十人。龜朋。儒林郎。格致。南鄉範。顯。勛。夏。欽。鈞。皆未仕。而格致。欽。亡矣。孫女六人。其婿周敦善。

李龍李徽將仕郎吳時萬上官珪上官揚曾孫十七人。大正大時大椿大
全大猷大學大昌大淵大_北大膺大韶大受大嚴大任大用。餘未名。女十
四人。其婿任平南林杞李价餘尚幼。玄孫男六人。公振公升公顯公回公
煥公章。嗚呼。是亦盛矣。黃氏之昌阜於世也。其可量哉。銘曰。暨暨黃公。
逢時之危。跡隨衆兆。思屬眇微。之死弗沒。以全其歸。溫溫夫人。克相其夫。
又詔其子。以成厥家。壽考尊榮。百歲而俱。實隆之阿。黃溪之里。東西相葉。
兩闕對起。子孫盈前。曾玄滿後。尚有寵臨。不遠來又。

黃永存

宋何澹小山雜著黃公墓誌銘。淳熙九年夏某以秘書
郎攝工部與紹武黃公永存攝左曹蜀人范仲藝攝禮部

並命黃公折輩行相交晚節歸休士類傾鄉某守三山時得相聞踰兩年
而哭其訃其子龜朋以狀來請曰吾先君子以忠孝自厲生平無虧宜有以
詔後同廊之邦存者惟公其無遜公字堅叟其先光州固始人唐末惟淡
者入閩家紹武以五經分授子號黃五經生知良宰信州貴縣六傳而至
公曾祖高威有隱德高生家以大鳴子鄉贈中奉大夫生公父中美登元
祐九年進士第終左朝議大夫以公贈開府儀同三司曾祖妣危氏祖妣

施氏贈令人姚林氏贈少師延平積之女封始興郡太夫人贈昌國夫人
公以廕補官紹興初尉虔州信豐軍方弱寇邑瀕廣多盜日厲弓兵督捕
請于郡得駐大軍三百備州戎將叛率中夜奄至殺二隊將公與統制官
逆戰于市大破之邑人德公繪象以祀旣捕逆饒十閭等二千餘人寇自
是不入境奏功第賞循從事郎訓詞有奮身不顧臨鋒赴敵之語聞者狀
之秩滿以親老丐祠父之調饒州判官守皆加敬遇旱履畝檢校戶無異
詞鄰家不得免聞于郡公請詰諸田鄰乃屈服諸司交薦改宣義郎知信
州鉛山縣俗罵于訟曰有禁過呼訟者悉呼宣義公喜曰母曰邑人相信
矣屬精剖剴公庭盡聞縣有寨五入戶歲輸一石則秋糶五斗以贍直未
始償之公為申請蠲減且廢巡監一寨縣計遂足歲歉糶徒數百囑聚發
廩巡尉遣兵督捕公適燕俸佐亟迫回客鏐勝委佗官馳諭悉感泣散去
事定收首惡三四輩赴部派配之邑賴以全人服其善應變家呼公為宣義
後昭武人過縣必問宣義安否先是催科無法戶長告病公易以田帖十
日一校民自樂輸去二十九年百姓磨崖為善政碑以記尤後人之更改
也事具永平志其差役尤盡善人爭先應治有古循吏風諸臺以聞除諸軍
糧料院公喜誦即用愛人之句去縣有一年諸會有官前鄱陽守者波及

愈。遂以祠去。日奉親。爲樂無官遊意。邑人端明黃公中爲春官。言諸時
宰。除倖潭州紫微張公孝祥爲帥。自恐以敏失事。囑公正。收公樂爲之盡
忠義。舉姓莫者。欲擁兵官。莫延。廩爲變。延。廩持節南丹州之弟也。事覺。十
八人斫寨門。通明日。禽至其六。公請誅罪首。餘勿問。郡以亡恐。旋徙延
廩他郡。張公欲諭薦公。以除漕變路。先是。嘗詔舉廣西。憲葉公顯。魏公杞
以公應詔。至是。二公實當國。給各緡。以格法。繼命堂審。執道四年。陞對孝
宗。問未運常平及長沙軍政對甚悉。退語輔臣黃某。疏道可任。邊寄。除知
蘄州。陞辭未及數奏。上曰。欲卿措置訓兵。積穀耳。因乞行縣。上曰。春時勸
農。便可出。因問疾。苦卿必能稱職。公至郡。則前所奏。住修城池。關隘。免起
木筏等事。悉施行矣。公有機軸。納斛面之弊。招流移。耕墾。民兵節費。得
贏銀五萬。名備邊庫。以聞。詔守臣不得妄支。六年。再任。漕臣呂企中。滋長
小人。公抗辯。不勝。罷歸。恬不介意。創茅簣園。侍版輿。從容自號。退園居士。
丞相虞公。嘗識公。姓名于篋。起知通州太夫人以淳熙二年棄養。年九十
七。公性至孝。老人食多。噎。躬進已箸。夜視床褥。始退。每宿疾作。親滌澣。穢
以授妾。御婢無厭。憚執喪尤盡禮。服除。知嚴州。對陳足兵食。豐財。兄官風
俗等五事。改溫州。九年。賜對。延和時。上憂早。公因進布種運麥法。喜曰。官

中亦種甚佳惟小麥可耳。卿議論詳明當留爲職事官次奏外官臨督妄費貽後之患上曰節用猶不足矧妄費乎卿貫何所以開對無闕責何也曰先臣游宦臣實生于河朔所陳皆開納翌日諭輔臣黃某老成重厚全是北人留他日護客遂除大理正旋兼左曹上曰左曹民頃多黃某三十年前作縣宜諄練繼遷官終不徒輪對復陳刑獄詭挾差役等弊口奏軍政宗室添差上大喜又言板曹遺乏宜少貸內帑上曰名貸曷嘗還乎止何貸二十萬人謂上意向公矣給舍有言闕郎者上曰黃某無得好當更除一二老成遂召周頡趙公鼎與公並命公在左曹事越拘繫符下諸處必分割其曲直吏不容欺亦毋得市恩訟者獲伸有踴躍于部門者遇令知有省部燕湖張次對有遺言盡指其產與幼弟他房與訟二十年不決公判其情感以孝義語皆激切乃合詞請守前約朝論翕然異日訓詞有儒雅飾吏之語詞臣謂公蓋指張訟十年夏旱求言公不務大言直述闕本職者六事蠲都城柴薪等稅免僧道六十以上丁錢官戶不許請佃住招軍以寬民力等事疏入首施行無刑部度支兩月間斷諸刑大辟四十餘鄭興裔自防禦轉廩車秦所給解多就寡公疑焉乃其前任寄以內降給真俸公微問曰此乃辭寡就多也鄭愧服會除帥淮東言者斥其欺罪